

共捌冊

永順縣志

第六冊

向子祺訂

兵部冊

向子麒訂

永順縣志

卷八

永順縣志卷二十四

縣人

文

琴

張

孔

修

編

纂

武備志第七

谿山師旅夙號雄聯爲指臂克奏膚功西摧都掌東抵蘇松南征米魯北遏遼東
邑梅石砭後溪宋農匪無勁卒孫此兵鋒明清興廢世逮康雍輸誠吐款戢矢橐弓
駐防營汎患弭并蜂團練警備氣燄熊熊志武備

武備一

○○兵制

明

國家兵制

設有頭目洞老十名隸兵八名正德間裁

大明會典

土司有擔承苗疆之責辰州西南一帶苗有鎮守之分恃強負固允非一朝朝廷兵威

在所不懼惟畏永保土兵故令永順司擔承鎮苗保靖司擔承鎮苗如鎮苗大肆焚劫

責成永順司贖取草苗則責成保靖司逮清初尙沿其制云

辰州府志永保總說載大征諸苗直指奏聞以各該

苗寨分責各土司承管又云永順司約束鎮苗保靖司約束竿苗每歲俱有擔成劉部苗防備覽風俗致載永保土人耐勞習勤勁勇善鬪沿邊苗寨俱供役使卽上十里及

鎮竿時亦分段令永保兩宜慰撫苗疆議中有云五溪之地旣設哨矣哨旣有官有兵矣則哨年辰沉兵備道蔡復一撫治苗疆議中有云五溪險阻於目中規利害於掌上然後守承毫無

官於兵略夷情必日夜講求如農之有畔法正分背三苗疆以利害於掌上然後守承毫無固戰可得而克也其一曰責擔承之有畔法正分背三苗疆以利害於掌上然後守承毫無

實效夫兩宜慰司受國厚恩世有爵土生苗皆其部落而坐視匪苗虎兇出柙典司何存雖在我疆吏自當勵兵固圉惟敵是求不必專倚土酋爲緩急然擔承題奏明旨分管義

表靖恭而棄命廢職逮也不力以部苗爲邊陲憂甚非所以凍天威安疆圍傳訓子孫之道也宜諭二宜慰司恕其已往之咎責以將來之忠擔承苗巢嚴加鈐制如有侵軼卽發

兵殲厥首惡能勤職於土官者嘉獎之不如職者戒飭之又甚者加之以罰榮辱既分趨避必勇不惟以固吾圉而激勵土司使勉爲忠義以保業享名其爲恩實深且厚矣乾

隆湖南通志康熙三十九年湖廣總督郭琇上疏略謂辰州西南一帶苗倚箐峒爲寨蓋數百處漢土邊民頻遭攘竊惟藉鎮竿一協兵威彈壓歷任督撫提鎮諸臣止議以永

順保靖二土司分寨撫管土司相距頗遙且兵非經制止可偶供徵調未便使其永遠管撫今擬將辰州將弁及永保二土司總歸鎮竿兵管轄庶兵威壯而頑苗不敢肆行狂

悖邊地土民可以安居樂業矣又康熙四十九年湖南巡撫趙申喬上疏略言苗有鎮苗草苗之分可以鎮苗令永順司擔承竿苗令保靖司擔承仍叛服無常土司毫無實濟

後鎮溪上六里之苗因與保靖司相近遂歸保靖土司管轄康熙二十三年苗赴鎮溪投狀願歸版籍經辰州府議若六里歸鎮溪必請設流土官應仍屬保靖二十三年苗赴鎮溪投

互爭三十三年苗以棄暴歸仁訴永順司兩經詳批仍歸舊土司管今
皆願改土歸流應將苗民歸辰沅道管轄則撫馭得人苗民沾化矣

土司兵制

三知州六長官司地方分爲五十八族其目爲辰利東西南北雄將能精銳愛先鋒左
韜德茂親勳策右畧靈通鎮蓋忠武敵雨星飛義馬標衝水戰湧祥龍英長虎豹嘉威
捷福慶凱旋智勝功以七字爲句每一字爲一族凡五十六族後添設請謀二字共五
十八族此外更有戎獵鑲苗米房鼓吹手六族伴儒七族長川族散人族總管族族各
有長管轄有事則調集爲軍以備戰鬪無事則散處爲民以習耕鑿

李氏縣志
坊里篇

土司有經制把總三十一員分管五十八族隨堂辦事

大明
會典

湖廣土兵永順爲上保靖次之其兵天下莫強焉其陣法每司立二十四旗頭每旗一
人居前次三人橫列爲第二重次五人橫列爲第三重次七人橫列爲第四重又其次
七八人橫列爲第五重其餘皆置後驢呼助陣若在前者敗則二重居中者進補兩翼
亦然勝負以五重爲限若皆敗則無望矣每旗一十六人二十四旗合三百八十四人

皆精選之兵也其調法初檄所屬照丁揀選宣慰籲天祭以白牛牛首置几上銀副之下令曰有敢死衝鋒者收此銀啖此牛首勇者報名彙而牧之更盟誓而食之其節制甚嚴止許擊刺不許割首違者與退縮皆斬故凡戰必捷人莫敢撓又湖廣九溪等衛容美宣慰等司桑植安撫長官等司及麻寮等所上茶峒等峒各有驍勇士兵惟永保土兵鈎鑣鎗弩之技較爲精工其調時必分永保爲二班弘治中平思恩正德中平蜀多其力嘉靖中倭亂東南王江涇之捷永保之功爲第一云

陳仁錫明世法錄王圻續文獻通考

永順鈎刀手爲廣西諸獠所畏

明史廣西土司柳州傳

永順鈎刀手嘗破廣西賊

李錫傳

土司有存城五營兵丁每營一百名一以備捍禦一以供役使其兵丁每名領工食銀

三兩六錢米三斗六升皆從民間派給

張氏府志檄示

永順司治西二里許有校場坪土人常於此處演武又西北五里有搏射坪又北五里曰射圃地勢鈎寬敞土人每於此二處搏射又有洗甲溪土兵奉徵調時洗鎧甲之所

也

王氏縣志

永順協營兵制

雍正七年題定永順縣桑保二縣接壤應設副將一員守備一員千總二員把總四員

外委六員兵丁八百名將桑植原設副將移駐永順所需備弁兵丁應撥湖北均房營

守備一員尋改都司千總二員把總四員兵丁一百六十名馬兵十八名戰兵三十名守兵一百零七名抽撥辰

州協兵一百九十五名馬兵二名戰兵二十名守兵一百七十三名永定營兵七十名馬兵七名戰兵十二名守兵五十一名

總督標兵六十名均戰兵南巡撫標兵二十名馬兵二名戰兵四名守兵十四名北巡撫標兵二十名馬兵

二名戰兵四名守兵十四名提督標兵一百二十五名馬兵十二名戰兵二十名守兵八十八名彝陵鎮標兵一百五

十名馬兵二十五名戰兵二名守兵一百名總歸永順協以足應設守備員弁兵丁之數府志是年裁馬

兵六名添設外委千總二員把總四員乾隆二十七年裁馬兵二名添設額外外委二

員先年副將那蘭保詳准添設便四十七年裁養廉公費虛糧舊例副將以下把總以

以爲養贍家口僕從之需副將三十名都司十名千總五名把總四名均於步兵缺內頂

戰兵五十二名守兵八十六名添實馬兵十六名戰兵五十名守兵十七名嘉慶二年
裁旦武汛把總外委各一員馬兵十五名守兵五十五名撥歸新設古丈坪營九年裁
戰兵三名守兵七名撥歸芭茅坪二十年裁戰兵十六名守兵十六名道光十二年裁
馬兵十一名添戰兵十一名二十一年裁馬兵一名守兵一名撥歸耒陽東湖汛三十
年裁馬兵一名守兵二名撥歸寶慶新坪營咸豐二年裁馬兵九名光緒初實存官副
將一員都司一員千總二員把總三員外委千把總五員額外外委二員馬兵四十四
名戰兵一百八十三名守兵三百九十三名官例馬二十六匹騎操馬四十四匹通志
後出缺不補陸續裁汰二十八年報經裁兵一百三十六名三十二年又報裁兵二百

四十二名實存馬戰守兵二百四十二名又將副將一員裁缺以都司管轄全營東南大吏

奏稱綠營器械太窳兼多老弱充數不足以禦外侮而平內寇請另募新軍力修武備旋
奉部議新軍餉糈無出准將各直省綠營兵額統限十年裁盡即將騰出之餉為募練新
軍之費嗣後制兵額內遇有缺出即停募不補以期裁汰於無形於是永順協兩次詳報
共裁馬戰守兵三百七十八名部議以存兵無多不須仍設統兵大員遂將副將裁缺陞

都司管轄全營宣統三年永順綠營弁兵盡數裁撤兩湖總督湖南巡撫以風風乾州永綏保靖古丈五屬地處苗疆為湘西藩籬會同

奏請准將存兵均予免裁其他有苗疆邊隘一時未經彙同奏請之處仍准詳請援案辦理縣屬官紳以永順爲土苗舊地請照前案准將所有存兵免裁適因國體驟更章程案而縣屬全境自是無一守土官兵矣

校場原在大西門外鷺鷥莊後移城南門內考棚左建演武廳三間退食廳三間左右廂房各三間看守兵丁住房二間廳左立帥旗臺一座高八尺八寸四方每方廣一丈二尺旗竿高四丈八尺前立照壁一座高一丈八尺八寸八分廣如之至民國均毀箭道在協署左火藥局軍器局在縣城內文昌閣後

額設坐操馬匹數目詳食貨志經費條定例官例馬不報倒操馬按十分之三報倒赴藩司請領朋銀購買足額

額設軍裝器械協營成立時卽行請帑製造其出師損失及年久朽蠹不適用者許隨時詳請補給茲據檔冊開載如右

大旗八面桿 小旗八十八面桿 七星旗五面桿 八卦旗五面桿 緞甲四副
布甲四百八十副 弓箭撒袋二百二十四副 號帽一百頂 號褂一百件 得勝

領褂二百四十八件他營多青藍色惟永順協及三廳兵腰刀三百二十口 雙手帶

刀二十口 籐牌八十面永順協籐牌牌刀八十口 鳥鎗三百六十桿 鑼鍋六十

四口 帳房五十六頂 鐵鍬五十把 鐵鋤四十二把 鐵鎌七十二把 鐵斧二

十把 鐵尺十把 弩弓十二張 弩箭四百八十枝 儲備戰箭二千枝 儲備火

藥四千觔 儲備鉛彈二千四百八十觔 子母礮二位 抬礮十八位安設各門

威遠礮每門二位 藥葫蘆四十六個 背牌二十二個 九龍袋十二個 虎叉四

把 月鏟四把 雙頭棍二根 單頭棍二根 長矛八十四桿 鈎連鎗木桿十八

根

協營救火器具 雲梯一張 抬桶六個 水桶二十擔 火鈎八十二把 托叉四

十把 麻搭二十根 麻繩二十根 鐵鎌二十個 太平缸六口 水龍二架內麻搭火

鈎雲梯等件係同治十三年副將馬朝龍由辰州購來

古文坪營兵制

原係永順協旦武營嘉慶二年改設都司一員千總把總外委把總各二員額外外委三員又將永順協把總外委把總各一員撥歸本營新募戰兵二百一十七名守兵一百六十三名又由永順協撥來馬兵十五名守兵五十五名合計四百五十名從兩湖總督畢沅請也

時沅奏添設營汛官兵事宜內有云查古丈坪係永順縣所屬地處扼要為永順保靖藩籬向無營汛該處附近之旦武營土蠻坡龍鼻嘴山

聚溪新碧五處向撥永順協屬之把總一員外委一員兵七十名分駐各汛每汛只有兵十餘名不敷防範今擬於古丈坪設營駐兵為永順一帶藩籬擬請該處添設都司一員千總二員把總二員外委二員額外三名兵四百名合原駐兵七十名共四百七十名駐劄本營分安各汛隸常德提督統轄永順協分轄云云悉如所請行之惟所募新兵少二

十是年六月撥去二十五名歸辰沅道標下分遣乾鳳永三廳聽用道光二十三年裁戰守兵四名撥歸天津海口二十五年裁兵一名撥歸耒陽東湖汛三十年裁戰守兵二名撥歸寶慶新平營咸豐六年裁馬兵二名光緒初實存經制官都司一員千總二員把總三員外委把總三員額外外委三員馬兵八名戰兵二百一十六名守名二百一十四名官例馬十四匹騎操馬十四匹二十三年裁戰守兵八十八名又遇出缺不補者六名實存兵三百四十四名三十一年本城馬兵八名戰守兵一百五十七名附

城新砦汎戰守兵三十七名且武營牀機坡汎共戰守兵五十四名黑潭坪排沙汎共戰守兵五十五名

通志參
廳志

宣統初部議以古丈坪廳係苗疆所有存兵四百三十一名

准予免裁民國二年古丈置縣兵制詳略無庸贅述

古丈廳苗兵制

額設苗守備一名苗千總二名苗把總四名屯把總一名苗外委十二名屯額外一名

縣志

以上各官俱由同知管轄遇有事故開除把總外委由同知考拔詳辰沅道發給條
劄守備千總由同知遴選送道考拔

總屯長一名散屯長四名屯百總屯小旗屯兵一百名又苗兵一百名

縣志

以上總長旗兵等俱由同知考拔民國二年古丈既經置縣實與永順脫離其廳苗
兵制存毀不錄

民國

永順縣兵制

詳後警備隊

○○徵調

案宋史西南溪峒諸蠻傳載咸平六年益州軍亂議者恐緣江下峽乃集施黔高溪蠻豪子弟悍禦羣蠻溪州兵之受徵調此爲見端其他若帝紀列傳中所書或侵暴中原或攻擊鄰境者不一而足斷能聽朝廷命令往往難之惟至有明一代歷藉土兵以平大難功績爛簡策焉攷陳仁錫明世法錄洎王圻續通考並謂西南邊服各土兵黔曰蒙氏蜀曰石砭粵西曰瓦氏及東蘭等州狼兵均堪臂使而湖廣土兵尤常調用以取勝永順彭翼南爲上保靖彭蓋臣次之凡戰必捷人莫敢撓其鋒又明史土司傳亦謂永保諸宣慰世席富強兵最號雄每遇征伐徵調四出今臚舉之以備攷而前清之調永順兵可隨錄焉

明

太祖洪武十二年總兵楊仲銘調永順兵征大小鉛廠

李瑾永順縣志

案通鑑輯覽載洪武十一年五開蠻吳面兒作亂殺靖州衛指揮過興詔以辰州指揮使楊仲明爲總兵官討之面兒遠遁年月人名均小異大小鉛廠或爲五開屬地與抑別一役與

二十五年晉寧侯葉昇調永順兵征安福夏二向天福斬獲天黃地黃等級

李志

成祖永樂十八年總兵官蕭綬調永順兵征巖頭等處又征竿子坪苗

李志

宣宗宣德七年永順宣慰使彭仲同子世雄奉調征大小荷蓬等處所向克捷屢加獎勞

李志

英宗正統十四年宣慰彭世雄奉調隨靖遠伯王驥討清浪衛

李志

景帝景泰六年宣慰彭世雄奉調隨南和伯方瑛征五開銅鼓

李志

案通鑑輯覽載先是景泰二年廣通王黻燂以謀逆廢爲庶人其家人蒙能叛入廣

西稱蒙王糾生苗三萬餘攻武岡龍里新化銅鼓諸城官軍屢勦不能克至是帝命

瑛爲平蠻將軍討斬之彭世雄之奉徵調大畧卽此事也

英宗天順二年諭世雄調土兵會勦貴州東苗

明史永順宣慰司傳

案通鑑輯覽載天順三年東苗于把諸等攻都勻諸衛命方瑛率川湖雲貴軍分四道擊之所向皆捷生擒于把諸送京師磔之

六年宣慰彭顯英奉敕調征桂陽苗寇七年又調征天柱南洞叛賊

李志

憲宗成化元年調征廣西大藤峽猺

李志

案通鑑輯覽載潯州夾江諸山險峻中有大藤如斗延亘兩崖勢如徒杠蠻衆蟻渡號大藤峽自景泰以來嘯集爲亂隳城殺吏所至邱墟至是帝命僉都御史韓雍討之又龔大萬潯州府志載成化初大藤峽猺人侯大狗爲亂上命韓雍討之雍至全州會陽崗苗賊爲梗擊滅之至桂林衆議乘勝攻峽雍按圖籍曰修仁荔浦爲藤峽翼蔽須滅此而後可殲其黨乃以永順保靖兩江土兵分五路進追至力山

力山在藤峽府

江之間中多猺人以胡藍侯槃四姓爲渠魁

大敗之雍至潯州復分兵進追賊至九層崖賊大潰生擒侯

大狗而還

二年永順兵從陝西巡撫項忠討荆襄流民

明史作成化中似未定何年也而李忠云二年敕征襄陽流民故據之

荆襄

上游爲鄖陽古麋庸二國地元至正間流賊聚此爲亂終元世不能制洪武初鄧愈以

兵勦除空其地禁流民不得入然地界秦豫楚之間又多曠土山谷阨塞林箐蒙昧中

有草木可採掘以食正統二年歲饑民徙入不可禁其中巧黠者稍稍相雄長漢中守

臣以聞請誅之英宗曰小民爲饑寒所迫奈何用兵命御史往撫謫戍數人餘陽聽撫

而大奸潛伏不出尋復縱三省長吏又多諉非已境因循不治

通鑑輯覽

至是有李鬍子者

稱平王與小王洪王彪等掠南漳房內鄉渭南諸縣流民附賊者至六百萬乃詔忠總

督諸軍務與湖廣總兵官李震討之忠奏調永順保靖土兵而先分軍列要害多設旗

幟鉦鼓遣人入山招諭流民歸者四十餘萬

明史項忠傳

三年兵部尙書程信調遣永順兵征都掌蠻

明史永順宣慰司傳

時四川山都掌大壩等寨蠻叛

總督程信奏都掌地勢險要必得土兵鄉導請敕東川芒部諸府兵並速調永順保靖

兵以備征遣

明史四川永寧司傳

四年奉敕征西襄賊

李志

十一年討平九甫二塘叛賊

李志

十四年調征永寧州賊

李志

又巡撫閩仲宇調永順兵五千征武岡岡蠻李再萬

詳仲宇討蠻

寇事宜疏

孝宗弘治五年調征施州銀山嶺叛賊俘獲白嘴俾譚景隆等解驗

李志

七年調征貴州都勻叛賊

李志

案通鑑輯覽載都勻苗也富架長脚等作亂帝命巡撫鄧廷讚討之廷讚與兵備副使吳倬遣熟苗詐降富架誘入寇伏兵擒之永順兵之奉調蓋指此事也

十四年請征武岡苗寇降敕褒獎

李志

又奉調征雲南賊婦米魯

明史永順宣慰司傳

案通鑑輯覽載普安土司隆暢既老子禮聽營長阿保讒構相仇怨暢有妄曰米魯以罪見逐依禮同居禮阿保皆與亂暢聞誅禮阿保懼禍助米魯率衆攻暢殺之鎮守太監楊友等討之大敗賊乘勝劫掠普安幾陷帝命南京戶部尙書王軾提督軍